



Nezavisni odbor
Broj:01-05-10237-3/18
Sarajevo, 22.05.2018. godine

SKUPŠTINA KANTONA SARAJEVO

O V D J E

PREDMET: Izveštaj o radu Policijskog komesara za period januar-mart 2018.godine-
dostavlja se

Nezavisni odbor na sjednici održanoj dana 22.05.2018. godine razmatrao je Izveštaj o radu Policijskog komesara za period januar-mart 2018. godine, a u skladu s članom 45. stav 3. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16), isti dostavlja Skupštini Kantona Sarajevo, kao informativni materijal.

PREDSJEDNIK

Sarajevo





IZVJEŠTAJ
o radu Policijskog komesara za period januar – mart 2018. godine

Sarajevo, maj 2018. godine



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1



Na osnovu odredaba člana 45. stav (3) Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/16) i člana 8. tačka 9) Poslovnika o radu Nezavisnog odbora ("Službene novine Kantona Sarajevo", broj: 23/16), Nezavisni odbor Skupštini Kantona Sarajevo dostavlja

IZVJEŠTAJ

o radu policijskog komesara za period januar – mart 2018. godine

Kao rukovodilac Uprave policije u Ministarstvu unutrašnjih poslova Kantona Sarajevo (u daljnjem tekstu: Uprava policije), u vremenskom periodu januar - mart 2018. godine, u skladu s ovlaštenjima datim odredbama člana 23. Zakona o unutrašnjim poslovima Kantona Sarajevo ("Službene novine Kantona Sarajevo", broj: 1/16, u daljnjem tekstu: Zakon), kao i odredbama drugih relevantnih zakonskih i podzakonskih propisa, te Planom aktivnosti policijskog komesara u cilju unaprijeđenja rada Uprave policije u vremenskom periodu 2017. - 2021. godina, Policijski komesar je preduzimao poslove i zadatke u cilju efikasnog rukovođenja Upravom policije u izvršavanju poslova i zadataka propisanih u članu 20. Zakona u cilju osiguranja što većeg nivoa lične i imovinske sigurnosti na području Kantona Sarajevo.

Tokom izvještajnog perioda, a na osnovu Izvještaja o radu dostavljenom od strane Policijskog komesara za predmetni period, Policijski komesar je preduzeo slijedeće mjere i radnje:

I Predstavljao je Upravu policije neposrednim učešćem i radnim angažmanom kroz različite oblike komunikacije sa nadležnim institucijama, a sve s ciljem stvaranja povoljnije sigurnosne situacije na području Kantona Sarajevo.

Radi osiguranja što bolje suradnje, pripreme i realizacije projekata koji se zajednički provode na području Kantona Sarajevo (s kim se provode zajednički projekti) u cilju izgradnje što boljeg razumijevanja i suradnje s lokalnom zajednicom, kao i stručne edukacije policijskih službenika Uprave policije na međunarodnom nivou i podizanja sigurnosti uposlenika diplomatsko-konzularnih predstavništava u BiH sa sjedištem na području Kantona Sarajevo, Policijski komesar je prisustvovao mnogobrojnim sastancima sa predstavnicima: ICITAP-a u BiH, EUFOR-a u BiH, Odjela za sigurnost Ambasade SAD-a u Sarajevu, Ambasade Saudijske Arabije u Sarajevu, EUROPOL-a u Sarajevu, Visokog sudskog i tužilačkog vijeća BiH, BIHAMK-a, Civilne zaštite Kantona Sarajevo, Federalne uprave policije i kantonalnih Uprava policije, Kantonalnog tužilaštva Kantona Sarajevo i premijerom Vlade Kantona Sarajevo.

Isti je također prisustvovao sjednicama Vlade Kantona na kojima su razmatrane informacije o stanju sigurnosti za mjesec decembar 2017. godine, za period januar-decembar 2017. godine, za mjesec januar 2018. godine i za mjesec februar 2018. godine, te sjednicama Komisije za sigurnost Skupštine Kantona i Komisije za izbor i imenovanje Skupštine Kantona Sarajevo.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1



U cilju što boljeg razumijevanja i suradnje s lokalnom zajednicom dana 16.01.2018. godine posjetio je Dom za djecu bez roditeljskog staranja Bjelave u Sarajevu.

II Neposredno ili putem Odjeljenja za odnose s javnošću Policijski komesar je redovno informisao javnost o radu i aktivnostima Uprave policije. U tom smislu za vremenski period januar - mart 2018. godine urađeno je sljedeće:

- poslato dnevnih obavijesti pisanim i elektronskim medijima	471
- poslato saopštenja za javnost	37
- dato intervju za elektronske medije	49
- zaprimljeno zahtjeva pisanih i elektronskih medija	137
- održano pres konferencija	1
- gostovanje u TV i radio emisijama u studiju	14

U cilju što boljeg informiranja javnosti o rezultatima rada Uprave policije u toku 2017. godine, te kampanji pod nazivom "Neko te voli", koju Uprava policije provodi kako bi se podigla svijest o opasnostima koje sa sobom nosi korištenje mobilnih telefonskih aparata prilikom upravljanja motornim vozilima i na taj način povećala sigurnost svih učesnika u saobraćaju na području Kantona Sarajevo, komesar je gostovao u programu javnih medija i to: TV Hayata, JS BHRTV, Radia M i Pink BiH.

Kontinuirano se unaprijeđuje saradnja s elektronskim medijima, dnevnim i sedmičnim listovima u Bosni i Hercegovini i inostranstvu, koji su objavili veći broj vijesti i intervju a vezi s stanjem kriminaliteta, javnog reda i mira, sigurnosti saobraćaja, primjeni filozofije rada policije u zajednici, osiguranju javnih skupova na području Kantona Sarajevo, kao i svim drugim pitanjima iz nadležnosti Uprave policije. Adekvatno je medijski praćena ceremonija preuzimanja kontingenta novih motornih vozila za potrebe Uprave policije, kao i pojava lažnih dojava o postavljenim eksplozivnim napravama u srednjoškolskim obrazovnim ustanovama na području Kantona Sarajevo.

Zvanični web Ministarstva je kvalitetan, redovno se ažurira, te je jedna od najposjećenijih stranica ministarstava unutrašnjih poslova u Bosni i Hercegovini i regiji. U prva tri mjeseca 2018. godine je, na osnovu podataka Google Analytics-a, na zvaničnom web-u Ministarstva zabilježeno 507 527 posjeta, a posjete su zabilježene iz 102 države i 1 731-nog grada u svijetu. Zvanični web redovno prati i provedbe kampanje edukacije učenika i nastavnika u srednjim školama s ciljem preventivnog djelovanja i sprječavanja lažnih dojava o postavljenim eksplozivnim napravama, a koja se provodi u suradnji s Ministarstvom obrazovanja, nauke i mladih Kantona Sarajevo, kampanje "Uklanjanje grafita", koja se odnosi na uklanjanje grafita sa zgrada na području kantona, te kampanje "Neko te voli", čiji je cilj smanjenje broja vozača koji tokom vožnje upotrebljavaju mobilne telefone. Web također prati konutinuirano provođenje kampanje Rad policije u zajednici, u okviru koje je u mjesecu februaru, u suradnji s Visokim sudskim i tužilačkim vjećem BiH i Federalnom upravom policije, nastavljen projekat pod sloganom "Lopov uvijek bude otkriven". Informacije i edukativni sadržaji u vezi s kampanjama i projektima Uprave policije su adekvatno predstavljeni i na službenom Twiter profilu i službenom YouTube kanalu Ministarstva. Bitno



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1



je napomenuti da je nastavljen rad na prilagođavanju svih sadržaja kreiranih i objavljenih na zvaničnom web-u u cilju omogućavanja korištenja web-a slijepim i slabovidnim osobama.

Određeni broj selektiranih informacija se objavljuje i na službenom Twiter profilu MUP-a Kantona Sarajevo. Twiter nalog trenutno ima 327 registrovanih “pratilaca” i taj broj se svakodnevno povećava, a povratne informacije ukazuju na to da se na ovaj način poboljšala komunikacija s javnosti.

15.01.2018. godine aktiviran je službeni YouTube kanal Ministarstva, na kojem je do sada obrađeno i postavljeno 15 video sadržaja, i koji trenutno ima 106 “pretplatnika” i 5 279 pregleda.

III Statistički pokazatelji stanja kriminaliteta, javnog reda i mira i sigurnosti saobraćaja na području Kantona Sarajevo u prvom kvartalu 2018. godine ukazuju da je stanje sigurnosti na području Kantona Sarajevo na istom nivou kao u prva tri mjeseca 2017. godine, a u poređenju s zadnjim kvartalom 2017. godine na višem nivou.

Iz analize statističkih pokazatelja, proizilazi da su sve do sada preduzete preventivne mjere i radnje, prvenstveno pozorno-patrolna djelatnost, rad policije u zajednici, kampanje i projekti koji se provode u okviru djelokruga rada Uprave policije, u prva tri mjeseca 2018. godine provedene efikasno i da su dale jasno mjerljive rezultate.

Uprava policije će i u narednom periodu, a u skladu s Programom rada Uprave policije za 2018. godinu i akcionim planovima svojih osnovnih i unutrašnjih organizacionih jedinica, nastaviti s provođenjem efikasnih preventivnih mjera i radnji s ciljem postizanja još većeg nivoa stepena sigurnosti, kroz pozorno-patrolnu djelatnost na čitavom području kantona, kao i rad policije u zajednici, a naročito će se posvetiti pažnja planiranju konkretnih aktivnosti u cilju smanjenja broja izvršenih krivičnih djela, s posebnim akcentom na krivična djela protiv života i tijela i krivična djela protiv imovine, naročito krivična djela razbojništva, teških krađa u stambene objekte i teških krađa motornih vozila. Nastaviće se provođenje planskih aktivnosti preventivno-represivnog djelovanja na počiniocima najtežih oblika prekršaja iz oblasti Zakona o sigurnosti saobraćaja na putevima BiH, s posebnim akcentom na prekršaje koji se odnose na prekoračenje dozvoljene brzine kretanja motornih vozila i suzbijanje pojave tzv “uličnih trkača”, prolazak kroz raskršnicu kada je upaljen znak crvenog svijetla i slično, a posebna pažnja će se posvetiti i sigurnosti motociklista, biciklista i pješaka, kao učesnika u saobraćaju, s obzirom da se njihov broj, s nastupanjem lijepog vremena, svakodnevno povećava.

U prvom kvartalu 2018. godine uočena je pojava velikog broja lažnih dojava o postavljenim eksplozivnim napravama u srednjim školama na području Kantona Sarajevo, po kojima je postupao veliki broj policijskih službenika, kako uniformisane, tako i kriminalističke policije, što je predstavljalo dodatno opterećenje u radu Uprave policije. Efikasno poduzetim operativnim, taktičkim i tehničkim mjerama i radnjama, veliki broj lažnih dojava o postavljenim eksplozivnim napravama je rasvijetljen, a osumnjičeni, od kojih većina maloljetne osobe, učenici srednjih škola, su prijavljeni Kantonalnom tužilaštvu Kantona Sarajevo. U cilju zaustavljanja trenda kriminogenog ponašanja maloljetnika - učenika srednjih škola, u suradnji s Ministarstvom obrazovanja, nauke i mladih Kantona Sarajevo, započela je kampanja edukacije učenika i nastavnika u srednjim školama o zakonskim posljedicama upućivanja lažnih dojava, koja je odmah dala zadovoljavajuće rezultate. Tokom mjeseca marta 2018. godine u srednjoškolskim ustanovama na području Kantona Sarajevo održano je 40 takvih edukacija.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1



Tokom izvještajnog perioda Uprava policije MUP-a Kantona Sarajevo je osigurala 555 javnih skupova, od kojeg broja 137 s kontradiverzionim osiguranjem, koji su svi prošli bez narušavanja javnog reda i mira i bilo kakvih drugih problema, uz maksimalnu sigurnost svih učesnika.

U periodu januar – mart 2018. godine, u cilju podizanja stepena sigurnosti na području Kantona Sarajevo na viši nivo, izgradnje povjerenja između Uprave policije i lokalne zajednice, te poštivanja zakonitosti u radu svih policijskih službenika, komesar je preduzeo slijedeće:

- formirao je radnu grupu koja je sačinila Program rada Uprave policije MUP-a Kantona Sarajevo za 2018. godinu, na osnovu kojeg su sve organizacione jedinice Uprave policije sačinile akcione planove djelovanja na području za koje su nadležne,
- formirao je radnu grupu koja je sačinila Strategiju razvoja Uprave policije MUP-a Kantona Sarajevo za period 2018.-2021. godina, s jasno definiranim ciljevima i zadacima za unaprjeđenje stanja sigurnosti na području Kantona Sarajevo,
- formirao je radnu grupu koja je sačinila provedbeni plan kampanje “Uklanjanje grafita”, te naložio provedbu navedenog projekta na području kantona, koje aktivnosti, u suradnji s ICITAP-om, Gradskom upravom i lokalnom zajednicom, teku prema planiranoj dinamici,
- formirano je radnu grupu koja je sačinila provedbeni plan kampanje “Neko te voli”, te naložio provedbu navedenog projekta na području kantona, koje aktivnosti teku prema planiranoj dinamici,
- u skladu s aktualnim dešavanjima na području kantona i F BiH, a u cilju osiguranja neometanog kretanja građana i odvijanja saobraćaja, te funkciniranja strateških institucija i poslovnih subjekata lociranih na području kantona, komesar je donio Plan djelovanja Uprave policije u vanrednim i kriznim situacijama, na osnovu kojeg su sve organizacione jedinice Uprave policije sačinile akcione planove djelovanja na području na kojem su nadležne,
- u skladu s nadležnostima policijskog komesara i Pravilnikom o načinu provođenja unutrašnjeg nadzora u organizacionim jedinicama Uprave policije, proveden je nadzor nad radom organizacionih jedinica Uprave policije, o čemu je sačinjen izvještaj o provedenom unutrašnjem nadzoru. U vezi sa naprijed navedenim, komesar je, rukovodiocima organizacionih jedinica naložio da se sve uočene nepravilnosti u radu odmah odnosno u najkraćem mogućem roku otklone,
- sačinjen je Plan i program stručnog usavršavanja policijskih službenika za 2018. godinu, kojim su obuhvaćeni policijski službenici od čina policajac do čina mlađi inspektor i od čina inspektor do čina viši inspektor, koje aktivnosti se provode prema planiranoj dinamici, te su u smislu stručnog usavršavanja policijskih službenika s Fakultetom političkih nauka, Pravnim fakultetom i Fakultetom za kriminalistiku, kriminologiju i sigurnosne studije Univerziteta u Sarajevu potpisani protokoli o razumijevanju, stručnoj suradnji i uzajamnoj podršci,
- komesar je preduzeo sve aktivnosti iz svoje nadležnosti za uspostavu sigurnosnog područja za rukovanje tajnim podacima u Ministarstvu i za opremanje prostorija za rad s djecom i maloljetnicima u skladu s Zakonom o postupanju s djecom i maloljetnicima u krivičnim postupku Federacije.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1



Sve konkretne aktivnosti, tokom izvještajnog perioda, komesar je preduzimao sam uvažavajući prioritete određene od strane Vlade Kantona Sarajevo, uz vrlo dobru saradnju s ministrom Mulabdić Vedranom.

IV U izvještajnom periodu, pored prioriteta određenih od strane Vlade Kantona Sarajevo i planskih prioriteta Uprave policije koji se odnose na efikasne preventivne mjere i radnje (pozorno-patrolna djelatnost, rad policije u zajednici, kampanje i sl.), složenije operativne aktivnosti usmjerene na rasvjetljavanje najtežih i najsloženijih krivičnih djela, akcenat je dao na normativnu djelatnost za koju je ovlašten u dva oblika: donošenje propisa po osnovu izričite zakonske odredbe ili dostavljanjem ministru nacрта i prijedloga propisa ili izmjenom i dopunom propisa iz djelokruga rada Uprave policije (član 23. stav 3. tačka d) Zakona).

U gore navedenom vremenskom periodu, pored ostalog, preduzeo je sljedeće:

- U okviru svojih nadležnosti, redovno je učestvovao u radu Zakonodavno-pravne komisije Skupštine Kantona Sarajevo, u proceduri donošenja novog Zakona o policijskim službenicima Kantona Sarajevo, Zakona o plaćama i naknadama policijskih službenika Kantona Sarajevo i Zakona o izmjenama i dopunama Zakona o javnim okupljanjima Kantona Sarajevo,
- sačinjen je prijedlog Odluke o određivanju ovlaštenih osoba za određivanje tajnosti podataka u Upravi policije MUP-a Kantona Sarajevo,
- sve organizacione jedinice Uprave policije su upoznate sastupanjem na snagu izmjena i dopuna Zakona o nabavljanju, držanju i nošenju oružja i municije Kantona Sarajevo, te je naloženo preduzimanje mjera i radnji u cilju primjene odredbi pomenutog zakona,
- sve organizacione jedinice Uprave policije su upoznate sa izmjenama i dopunama Zakona o osnovama sigurnosti saobraćaja na putevima u BiH, te su preduzete sve aktivnosti oko šifriranja novih odredbi Zakona,
- Ministarstvu komunikacija i prometa F BiH dostavljen je adekvatan odgovor u vezi konsultacija na nacrt Pravilnika o izmjeni i dopuni Pravilnika o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uvjetima koje moraju ispunjavati uređaji i oprema u prometu na cestama.
- U okviru nadležnosti policijskog komesara Uprave policije, a s ciljem poboljšanja rada i blagovremenog protoka informacija, svakog mjeseca, nakon izrade informacije o stanju sigurnosti na području Kantona Sarajevo, održava se redovni Stručni kolegij Uprave policije, dok se kolegij s načelnicima Sektora uniformisane policije, Sektora kriminalističke policije, Sektora za policijsku podršku i Jedinice za profesionalne standarde i pomoćnicima komesara Sektora za pravne, kadrovske i logističke poslove, edukaciju i analitiku i Sektora za materijalno-finansijske poslove održavaju jednom sedmično. Na svim kolegijima se razmatra stanje po oblastima rada, te iznalaze modusi za rješavanje problema koji se javljaju u radu.
- U toku su pripreme radnje na realizaciji projekta OSCE-a BiH na izradi Strategije za borbu protiv prosjačenja, a u suradnji s Ministarstvom za rad, socijalnu politiku i izbjeglice Kantona Sarajevo i Kantonalnim centrom za socijalni rad Kantona Sarajevo, čije donošenje i provedba su veoma bitni u daljem radu Uprave policije, s obzirom na činjenicu da prosjačenje zauzima najveći broj sankcionisanih prekršaja iz oblasti javnog reda i mira, kao i to da su većina sankcionisanih osoba povratnici u vršenju ovog vida prekršaja i s mjestom prebivališta izvan Kantona Sarajevo.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1



- Osim navedenog, komesar je formirao radnu grupu za izradu nacрта izmjena i dopuna Pravilnika o unutrašnjoj organizaciji MUP-a Kantona Sarajevo u dijelu koji se odnosi na Upravu policije, a u cilju otkalananja uočenih nedostataka i povećanja efikasnosti rada.

V U oblasti upravnog rješavanja, komesar je u zakonskom roku, donosio odluke koje su, po odredbama Zakona o nabavljanju, držanju i nošenju oružja i municije i drugih propisa, u njegovoj nadležnosti, odnosno nadležnosti Uprave policije.

Tokom izvještajnog perioda, ažurno, prema planiranoj i datoj dinamici, u oblasti upravnog rješavanja donosio je odluke koje se odnose na radnopravni status svih zaposlenika Uprave policije od kojih su: policijski službenici 1444, državni službenici 16 i namještenici 163. Odluke su se najčešće odnosile na prava iz radnog odnosa, a u vezi s provedbom odredbi Pravilnika o unutrašnjoj organizaciji MUP-a Kantona Sarajevo, koji je stupio na snagu odlukom Vlade Kantona Sarajevo broj 02-05-2363-8.1/17 od 17.07.2017. godine. Navedenim Pravilnikom u Upravi policije sistematizovano je 1984 radnih mjesta, od čega 1729 policijskih službenika, 42 državna službenika, od kojih 2 rukovodioca osnovnih organizacionih jedinica i 5 rukovodilaca unutrašnjih organizacionih jedinica, te 213 namještenika, od kojih je jedan rukovodilac unutrašnje organizacione jedinice.

U izvještajnom periodu završene su procedure za unaprjeđenje policijskih službenika u čin glavni inspektor i čin samostalni inspektor, te je na prijedlog komisija za unaprjeđenje policijskih službenika, donio rješenja o dodijeljenom činu i rasporedu za 6 policijskih službenika unaprijeđenih u čin glavni inspektor i 3 policijska službenika unaprijeđena u čin samostalni inspektor. Također, je na prijedlog komisije donio rješenja o dodijeljenom činu i rasporedu za 10 policijskih službenika unaprijeđenih u čin stariji narednik.

Komesar je donio Odluke o proceduri unaprijeđenja u čin narednik, čin inspektor i čin viši inspektor, na osnovu kojih su raspisani Interni oglasi i procedure za unaprjeđenje koji teku po planiranoj dinamici.

U periodu januar – mart 2018. godine je, nakon stupanja na snagu novog Zakona o penzijsko-invalidskom osiguranju F BiH, znatno smanjen broj zahtjeva policijskih službenika za prekid radnog odnosa po osnovu ostvarivanja prava na starosnu penziju. U izvještajnom periodu je, po osnovu sticanja prava na invalidsku penziju, donio rješenje o prekidu radnog odnosa za jednog policijskog službenika u činu stariji policajac, dok je za jednog policijskog službenika u činu policajac, po ličnom zahtjevu, donio rješenje o sporazumnom prekidu radnog odnosa.

Donosio je rješenja o premještanju, plaćenom odsustvu, o refundaciji troškova mobitela kao i druge akte, rješenja, odluke i uvjerenja koja se odnose na radno-pravni status uposlenika Uprave policije.

Davao je izjašnjenja na tužbe po zahtjevima nadležnih organa, a najveći broj njih odnosio se na oblasti radnopravnih i imovinskopravnih sporova.

U skladu s Pravilnikom o unutrašnjoj organizaciji MUP-a Kantona Sarajevo i potrebama Uprave policije, uz suglasnost Vlade Kantona, na osnovu raspisanog Javnog oglasa za popunu upražnjenih radnih mjesta u Upravi policije u činu policajac – 120 izvršilaca,



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1



Komisija za izbor je objavila bodovnu listu kandidata koji su uspješno završili testiranje i koji su predloženi za zapošljavanje.

Tokom izvještajnog perioda nije bilo izrečenih sankcija policijskim službenicima zbog lakših povreda radne dužnosti.

Redovno je pratio i davao podršku radu disciplinskih tijela (disciplinska komisija i tužilac), kao i radu Odbora za žalbe javnosti.

VI Obzirom da je borba protiv korupcije prioritet i jedan od bitnih uvjeta za ukupan rad Uprave policije kojom, u skladu s odredbama Zakona, rukovodi, dao je akcenat na efikasnost rada svih operativnih tijela i mehanizama u ovoj oblasti, a po potrebi se i neposredno uključivao.

Sve ove aktivnosti provođene su u skladu s programskim dokumentima Vlade Kantona Sarajevo u ovoj oblasti, kao i strateških dokumenata i planova viših nivoa.

Ministarstvo, a u okviru njega i Uprava policije, je usvojilo niz strateških planskih dokumenata u oblasti borbe protiv korupcije (Strategija, Plan 2017. - 2021. i dr.).

Osigurao je sve potrebne uvjete za rad Operativnog tima za borbu protiv korupcije, Jedinice za profesionalne standarde i nadležnog Odjeljenja u Sektoru kriminalističke policije, neposredno vršio nadzor nad radom istih.

U izvještajnom periodu, Operativni tim za borbu protiv korupcije, u suradnji s nadležnim Odjeljenjem za privredni kriminal Sektoru kriminalističke policije i Jedinicom za profesionalne standarde je, zaprimio 3 žalbe koje se odnose na postojanje osnova sumnje da je počinjeno krivično djelo navedeno u Strategiji borbe protiv korupcije u MUP-u Kantona Sarajevo, te su u toku istražne radnje po istim.

Operativni tim o svome radu, policijskom komesaru dostavlja pismeni izvještaj na mjesečnom nivou, koji se dostavlja na uvid i Nezavisnom odboru Skupštine Kantona.

Uprava policije kroz permanentnu obuku vrši kontinuiranu edukaciju policijskih službenika, državnih službenika i namještenika u oblasti borbe protiv korupcije, a upućivanjem policijskih službenika na tematske radne sastanaka (ad hoc ili kontinuirano), specijalističku obuku, seminare i sl., vrši se dodatno osposobljavanje i specijalizacija kadrovskih potencijala u oblasti borbe protiv korupcije.

VII U okviru redovnih aktivnosti, shodno usvojenom Budžetu, u dijelu koji se odnosi na Upravu policije, preduzimao je mjere i radnje na nabavci materijalno-tehničkih sredstava potrebnih za rad Uprave policije, a u cilju povećanja efikasnosti i modernizacije rada. U izvještajnom periodu, Uprava policije je preuzela 90 službenih putničkih motornih vozila, te su ista, putem Rasporednog naloga raspoređena na korištenje organizacionim jedinicama Uprave policije. U skladu s Budžetom Uprave policije za 2018. godinu i planiranim strateškim ulaganjima, u toku su pripreme tenderske dokumentacije za velike projekte.

VIII Na zahtjev ministra i po ukazanoj potrebi, dostavljao je izvještaje i informacije u skladu sa Pravilnikom o redovnom izvještavanju ministra o poduzetim aktivnostima Uprave policije i o događajima i rezultatima poduzetih aktivnosti koje imaju značaj za sigurnost građana i interese Kantona Sarajevo broj 01-22/17 od 28.03.2017. godine.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1



Predlagao je sastav komisija koje formira ministar. Putem nadležnih Sektora i Odjeljenja, u skladu s odredbama Pravilnika o redovnom izvještavanju ministra o poduzetim aktivnostima Uprave policije i o događajima i rezultatima poduzetih aktivnosti koje imaju značaj za sigurnost građana i interese Kantona Sarajevo, preduzeo je mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije.

Prilikom obrade podataka postupa se po uspostavljenom sistemu zaštite osobnih podataka, kao i po dostignutom stepenu razvoja sistema zaštite tajnih podataka.

Putem nadležnog Sektora, po potrebi, i u skladu sa zakonskom procedurom raspisivao je kantonalne potrage i oglašavao raspisane potrage.

U skladu s odredbama Instrukcije o međusobnom izvještavanju o pojavama u oblasti javne sigurnosti između Federalnog ministarstva unutrašnjih poslova i kantonalnih Ministarstava unutrašnjih poslova o pitanjima koja su od interesa za sigurnost Federacije Bosne i Hercegovine, broj 09-1608 od 26.07.2007. godine, kao i drugih propisa i procedura, ispred Uprave policije podnosio je informacije i statističke podatke Federalnom ministarstvu unutrašnjih poslova, a naročito u vezi s poslovima iz zajedničke nadležnosti kantona i Federacije BiH, kao i poslovima iz nadležnosti Federacije, koji su povjereni Ministarstvu, odnosno Upravi policije.

IX Tokom izvještajnog perioda, ostvarivao je komunikaciju i izvještavao Nezavisni odbor o rezultatima i prioritetima rada Uprave policije, te u tom smislu na raspolaganje stavio sve podatke i dokumentaciju, kako bi isti mogao preduzimati poslove i zadatke iz svoje nadležnosti. O svim događajima na području Kantona Sarajevo, a koji su interesantni s aspekta sigurnosti, Nezavisnom odboru se dostavljaju detaljne informacije.

Sjednicama Nezavisnog odbora isti je prisustvovao dana 16.01. i 15.03.2018. godine, kada su razmatrane informacije o stanju sigurnosti za mjesec decembar 2017. godine januar 2018. godine i za period januar – decembar 2017. godine.

Stav Nezavisnog odbora koji se odnosi na rad policijskog komesara u periodu januar - mart 2018. godine je da je policijski komesar većinu poslova obavljao profesionalno u skladu sa Zakonom o unutrašnjim poslovima, Zakonom o policijskim službenicima i relevantnim podzakonskim aktima.

Ovaj period ističe se po blagovremenoj i jako dobroj reakciji Uprave policije Kantona Sarajevo u vezi sa protestima demobilisanih boraca na području Kantona Sarajevo, zbog čega je Nezavisni odbor Skupštine Kantona Sarajevo dao punu podršku Policijskom komesaru MUP-a Kantona Sarajevo i Upravi policije u opredjeljenju da će ubuduće sankcionirati, spriječiti i onemogućiti eventualne blokade saobraćajnica u Kantonu Sarajevo, u skladu sa zakonom.

Predsjednik Nezavisnog odbora

Sar



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044, Fax: + 387 (0) 33 562-210
Sarajevo, Reisa Džemaludina Čauševića 1

